

職方典第一千四百八十六卷

澂江府部彙考二

澂江府山川考二

水利附

通志州縣志合載

本府

河陽縣附郭

漱玉泉堤在府治源出重珠山入附郭田畝

莊鏡泉石堤在府治源出碌磧山合圩扎溪

俱明知府王良臣築

北坡沼堤在府治水出關摩山明知府張順倡諭有田畝者築堤積

水郡人席大賓增拓一堤

立馬關在府治西街北一里明知府徐可久建以坊龍青一帶

衝決之患

太平關在府治太平橋下知府徐可久建疏梁王衝一帶溪水入新河

西

響泉堰在府治蟠龍岡石巖下明萬曆間知府程子侃重築

玗劄溪在府東北二十里每

水潦衝決爲患明隆慶三年知府蔣弘德開渠築堤三百七十餘丈萬曆間知府程子侃重築

西浦龍泉壩在府治明隆慶五年知府徐可久開三河引泉入海又立關壩四畝閉蓄洩舟楫

通行商民稱便

清溪壩在府治關索嶺下石壩二分水之溝六溉田甚多

江川縣

普濟堰在館驛左明隆慶四年知府杜鳴陽買民田築堤高一丈許竝立壩長一名守之

大衝河壩在舊陽宗縣五里明隆慶二年知縣文嘉謨開濬民屯賴焉

堰塘在縣沙甸上

官村明正德四年知縣郭翰築嘉靖四十五年知縣文嘉謨重修

新興州

羅木箐河壩三所一在州北二十三里白雲寺山下行北山等處灌田一在州北十九里腰子
屯行普舍城等村灌田一在州東北二十一里袁家屯行何家等屯灌田 九龍池壩十三
所一在州西北十五里襲家屯行王旗等村灌田一在州西北十六里擺彝洞行飛家等屯
灌田一在州西北十五里寒冬村行寒冬等村灌田一在州西北十五里大村行大莊等村灌
田一在州西北十五里後屯行王大戶等屯灌田一在州西北十五里碁盤山下行大毛等屯
灌田一在州西北十二里官村行桂家屯灌田一在州西北六里小莊行薛家等屯灌田一在
州西北六里石涵洞行小莊等屯灌田一在州西北五里安流橋行左家等屯灌田一在州西

北五里左家屯行小毛等屯灌田一在州西北四里馬橋村行馬橋等村灌田一在州西北三里通年橋行徐百戶屯灌田 白龍潭壩四所一在州東北二十三里白龍潭前行東古城

等屯灌田一在州東北二十二里小土庫行上下山頭等屯灌田一在州東北二十里白塔山下任家等屯灌田一在州東北二十里東古城行楮家等屯灌田 密羅壩三所一在州

西南二十五里鳳凰山下行上下麻栗樹等屯灌田一在州西南十五里排柵屯後行馬官等屯灌田一在州南十六里永濟橋行壯旗等屯灌田 桅杆壩在州西南三十里桅杆屯灌

桅杆屯田 紅廟堰塘在州東三里塘周二里聚水灌田 西河壩六所一在州北二十

五里秦溪行高橋等屯灌田一在州北二十四里梅園鎖水閣行前衛等屯灌田一在州北十九里陳家大廠行中所等屯灌田一在州北二十里劉家屯行陸家等屯灌田一在州北十九里高橋大涵洞行麻線等屯灌田一在州西北十五里徐家屯行秦謝等屯灌田 金汁溝

壩四所一在州東十二里燕子窠行馮家冲等屯灌田一在州東十里沙陀邨行左所等屯灌田一在州東五里右所屯行中所等屯灌田一在州東四里小寬槽行許家灣等屯灌田

龍井壩三所一在州東北五里寧官屯行中衛屯灌田一在州東北三里許家灣行龍井巷等處灌田一在州西關外龍井巷灌西關等處田 清溪壩在州西北二十里蓮花池灌蓮花

池田 梁王壩在州南十二里牟溪冲灌高倉等屯田 趙官壩在州南十五里趙官壩

屯灌趙官壩等屯田 牟溪冲壩在州南十五里高倉山下行高倉等屯灌田 研和壩

在州南三十七里潢水塘行南廠等屯灌田 觀音塘在州東南一里今作起春堂常住田

鴛鴦塘在州南六里 雞窩塘在州南二十五里研和飛家屯灌賴家等屯田 永潤溝

在州南三里康熙三十九年生員王虎臣開

路南州

鄒公堰在州東五里地名落臺舊明嘉靖間知州鄒國璽築堰開渠至天啟間知州唐登第再

濬知州倪垣修規濟田千頃 昌樂堰在州東北五里康熙四十一年知州羅之熊築堰開

渠灌州西北田三千餘畝後圯知州金廷獻復築濬增規民永賴焉 雙龍壩在路南州東

二里許知州金廷獻于康熙四十六年冬建築開渠二十里許灌漑三千餘畝迨至四十七年

夏雨潭泉水湧溢衝決

黑龍潭壩在路南州東

魚池堰在路南州東八里明嘉靖間

知府鄭國璽修築

興益溪壩在路南州東二里

澂江府城池考

通志

本府

河陽縣附郭

澂江府城池舊建于繡毬山明正德十三年知府童璽改遷金蓮山麓嘉靖二十年知府周朝俛復遷前地隆慶五年知府徐可久改遷于舞鳳山建築甌城周五里三分高一丈九尺樓臺墩鋪具備其門東曰擁暉南曰澄波西曰瓏秀北曰儀鳳有池

外州縣

江川縣城池原土城明萬曆四十八年巡撫都御史潘濬拓築崇禎七年因水湮巡按御史姜思睿奏請遷縣於舊江川驛始建甌城周一里三分高一丈二尺無池

新興州城池舊無城明正德二年知府何子奇築土垣萬曆六年分守道王續之移駐其地呈請檄知府張于京督造甌城周三里高一丈八尺無池按州志州立玉溪靈照之間舊稱在華

蓋山麓卽靈照山也在府西一百六十里宋大理段氏蠻部旁築土垣漢唐建治在碁盤山表段氏分麼些徒蠻居此築土垣于中邑邨名曰休納城形長而狹若南之雉堞北之新街京之元壇廟皆在城外惟襲西門以爲舊也明正德二年知州何子奇斥廣二里有奇高一丈三尺厚五尺萬曆四年奏請易甃石擴爲三里許凡六百四十八丈高二丈四尺厚一丈八尺城壕一千二百七十六闢四門東南曰靈照西南曰鳳凰西北曰碁興東北曰龍馬門各樹樓東曰朝陽南曰來薰西曰闔稼北曰拱極外鑿池廣三丈四尺深八尺崇禎十四年守道程楷知州張尹志增高城三尺鄉官雷躍龍益櫓八

皇清康熙十年四門城樓圯知州彭蠡改作民房康熙四十七年磚石城樓摧剝櫓與雉堞全圯知州任中宜加葺改城壕爲一千零九高五尺五寸廣三尺二寸建櫓四無池

路南州城池舊無城明成化間知州魯厚建敵樓四座弘治間知州龔浩因敵樓築土城後傾圯隆慶六年知州易龍見重築周四百四十餘丈高一丈一尺萬曆四十八年知州馬鳴陽修今漸圯按州志成化間知州魯厚建樓四座東曰啟明南曰迎薰西曰長庚北曰拱極池初廣

二丈及流寇入滇卽填池以池邊之土平爲田其廣遂以倍嗣後居民效之春則布種夏則雨水洋溢寬十丈許矣自昌樂堰成四時活水流注紅蕖碧藕徧滿其中夏秋之間朱霞映水綠幕垂陰柳色迎眸荷香噴鼻往來之人如行錦繡中號曰花城稱勝景焉

澂江府關梁考

通志

本府

河陽縣附郭

東關按縣志在城西北十五里

中關按縣志在城西北二十里

西關按縣志在城西

北三十里

青雲橋按縣志舊名普濟橋在府東街跨玕劉溪明正統間知府王彥建爲石

橋

南津橋在東街南明嘉靖間路南州民郭萬鍾建

中溝橋在東街南二里鎖劉溪

之水口

太平橋舊名羅藏橋在府西二里明嘉靖間知府王良臣建通判徐子麟重修

四均橋在府廖官營東境內道路至此適均故名

永濟橋在府南二里

清平橋在府

西二里

河生橋在府東明知府高廷紳建

三岔橋在河生橋西百步

得路橋在

府西北四里義民席允中陳亨修建

務耕橋在府梨花村北庠生李傑建

介營橋在

大小二軍營間故名

達達橋在小軍營中

廣濟橋在大軍營西路口

通津橋在

廣濟橋西一里

莊鏡橋在府東街

漱玉橋在府東街土主廟前

西市橋在府東

明弘治間舉人鄒玘建嘉靖間義民陳紳易以石

月津橋在府大河口

長虹橋在府

東四十里明嘉靖間郡人羅應重修

俯波橋按縣志在城西南二十五里鸞棲村紅坡登

橋俯瞰撫仙湖故名邑民李文高建

湧拔橋在府西南按縣志在府西南三十里經江川

通衢邑人楊國儒建

迎仙橋在府南

惠民橋在府西明時知府徐可久建

龍津

橋在府東

江川縣

關索嶺關在縣

迎恩橋在縣北

海門橋在縣東南八里爲臨安要路通星雲湖水入

撫仙湖登舟始此明天順五年建中央有界魚石焉澂江江川其魚一種以石爲界不敢越江

越則相鬪兆兵象

石橋

通衢橋俱在縣東

新興州

鐵爐關在新興州按州志在州北四十九里據峻嶺俯深谷舊多林木易藏奸宄號稱險阻明設巡檢一員徭編弓兵十六名守之今裁嶺上爲昆陽境嶺下爲新興地立碑分界 玉溪

橋在新興州南

路南州

革泥關在路南州按州志在州東南六十里交彌勒州界

弘濟橋在路南州通嚕峨新化

路明弘治間知州鄧駿建

會通橋在州西與弘濟橋相望

永安橋在路南州北

板橋在州南二十里明嘉靖間郡人席大賓易以石

天生橋有二一在州北五十里一在

州東北十二里二橋天成不假人力故名

賽虹橋在州通省大路明萬曆間知州汪良脩

三板橋在州治通衢明萬曆間舉貢楊興南兄弟捐修

通志未載關梁

河陽縣志

都市橋在城內西門街舊滇省雄邦坊右

鎖水橋在南門外東隅匯城內衆水流經沙河

村魯溪營入海

月宮橋在鳳翔寺山門內明李賓興饒士於此故名

關莊橋在城西

五里小關莊下

聯玉橋在城西南二十里玉笋山前

海晏橋在城南四十里海口壩

前庠士洪于天客民黃祖祐同建

平政橋在城西二里許原玉峯趙公捐建年久傾圯生

員董可徵等募衆重脩堅固直如坦道

雲英橋在州北四十二里刺桐關

安流橋在

州西北五里左家屯奇梨溪西河合流過此知州蔡琨重修改名聽駕橋

新德橋在州北

二十里劉家屯西河康熙五十一年知州任中宜建

桂家橋在州西五里桂家屯跨大溪

河 普渡橋在州西南十里大營屯跨大溪河

東秩橋在西街左首年久傾圯商客歇

鹽墜水郡民張友松捐資重修上置樓往來便利但遭水患樓廢橋存甚望乎好義者之興脩

焉 引鳳橋在城東北隅接鳳山脈因鑿城池斷爲兩岸康熙二十二年耆民李縱甲募化

官紳士庶鑿建石橋引水渡岸可潤田畝並入東南城內灌濟園圃咸稱便利焉

高淵橋

在城東一里凡東河水道由此引灌以年久漸圯康熙四十二年庠生李文炳偕衆重脩田畝

皆利賴焉

新興州

刺桐關在州北四十二里依山傍河兩崖高聳北扼鐵爐關爲全州咽喉 中板橋按州志

在州西關去會通橋三百餘步分大溪河爲金汁中溝 下石橋在州西關外去中板橋四

百餘步上建魁閣分大溪河爲金汁下溝 迎恩橋在州北門外跨城壕 彩虹橋在州

西關外中衛屯跨金汁溝 康阜橋在州北六里跨羅木箐河訛名康家橋 廣濟橋在

州北十三里咸寧里羅木箐分河 普門寺橋在州北十七里普舍城西關外羅木箐下溝

觀音閣大橋在州東北十七里羅木箐河洪濤驚波山石相激民架木梁以濟 永豐橋在

州東北二十里白塔山下羅磨溪 豐樂橋在州南二里鄭家屯知州魯國華建 磐安

橋在州南二十三里石關哨康熙三十年土州判王鳳建 通年橋在州西北三里徐百戶

屯西河奇梨溪合流入大溪處康熙五十一年知州任中宜建

路南州

興寧橋按州志在州東通衢康熙三十五年總督王繼文建 萬壽橋在州東北通衢康熙

四十九年知州金廷獻捐脩

青雲橋在州西南通府治路康熙四十五年知州金廷獻捐

脩 水月橋在州西關外康熙五十一年知州金廷獻捐脩

澂江府公署考

通志

本府

澂江府治在城內明洪武十五年建于金蓮山巔弘治十七年遷于山半知府童璽改建賜浦山麓以舊署爲學宮嘉靖十八年知府周朝俛復遷金蓮山隆慶四年知府徐可久改遷于舞鳳山按河陽縣志澂江府署康熙二十二年知府張聯箕捐俸增修川堂三間置額曰恭儉惟德後修住房三間二十五年知府韓俊傑捐俸建坊一座于儀門內三十二年知府張聖猷捐俸增脩二堂三間置額曰敬義堂四十二年知府黃元治捐俸脩大堂煖閣置坊額曰尊美堂四十八年知府趙弘任捐俸修後主樓五間書室琴床清雅可居土地祠舊逼近儀門外左側知府馮甦改建于署之東左 同知署舊在府署內今裁署廢 通判署舊在府署內東明末兵燹拆毀今借署於督學道考場公館過歲科按臨隨便移寓康熙五十一年通判尹湯

聘捐建草廳三間書房三間鑿池引水雜以花木頗稱清雅 經歷司署舊在府署內東今

仍之 照磨署舊在府署內缺裁署廢 司獄司署舊在府署內明末兵燹拆毀今在府

城東北 教授署舊無學署今在學宮東隅置房半茅半瓦但可容膝 訓導署舊無學

署今借寓城內東華寺 巡道署在城東今爲通判借署學道按臨作校士考場有正堂有

川堂有後堂有主樓有寢室有廚房有儀門有大門有牆屏 公館在府治東門內

河陽縣治在城內舊建于陽浦山左明嘉靖二十五年知縣韓立遷建隆慶四年知縣王都再

遷于城西北隅萬曆間知縣李汴增脩至明末兵毀按縣志

皇清康熙三年知縣冷晉和建大堂三間後住房三間卑濕湫隘八年知縣袁肇繼捐俸重建住房

三間左右廚竈等房中建大堂三間捲棚三間前豎戒石亭左右建設六房并儀門三間歷久

漸頽三十七年知縣秦采重脩內住房三間左右耳房署右建花廳三間水亭一座箭道一區

四十八年知縣翟枚吉重脩左右六房土地祠在縣儀門外左側康熙四十七年知縣翟枚吉

重修至旌善亭申明亭戒石亭俱廢未修 典史署在縣署儀門左原爲禮賢館兵燹焚毀

無存康熙七年典史王天爵捐俸脩葺建堂三間住房三間左右廚房各二間 河泊所舊

在金蓮山右麓久裁 駐防署原無設今寓南門關帝廟其兵在城守汛併分駐各塘

廣積倉在縣治右 屯糧倉在城南府治左 廣濟倉在縣治內 預備倉在陽宗舊

縣治右 存留倉在陽宗元天閣

外州縣

江川縣治在城內明洪武十五年建崇禎七年遷於新城今署 典史署在縣治內

新興州治在城內明洪武十五年建宣德六年知州張睿正德元年知州何子奇相繼修葺按
州志後擁龍馬面直鳳凰居城西中偏向西南坐東北元至元十三年立明初因元故治茅屋
數椽宣德六年知州張睿易瓦立大堂三間二堂三間後樓三間書室三間廂房三間庖室三
間吏目廳一所左右兩廊辦事房各三間儀門三間鼓樓三間旌善申明亭各一間右爲鄉約
所三間榜舍四間掛號房二間圖屏一區正德元年壞知州何子奇脩萬曆六年知州張千京
拓大堂三間以鼓樓爲儀門城南門爲大門故大堂爲二堂故二堂爲三堂大堂左三間以二

間爲豐盈庫一間爲儀仗庫堂右茅屋三間西廂房三間東廂房三間兩廊吏舍各六間囚室三間女囚室三間獄神祠一間繚以重垣儀門左土地祠一間羈候鋪一間丹墀下左右皂隸房各一間今廢塞門一座萬曆四十八年署州事鄧應鼐建戒石亭一座

皇清康熙八年知州耿文明增土地祠爲三間建此君亭三間鑿池一區于東園今廢二十一年知州李國維于宅右建環秀樓三間二十五年知州胡必蕃撤環秀樓重建高明樓五間樓右建平房三間廂房三間三十八年知州魯國華改大堂右茅屋爲瓦三間四十六年知州任中宜於三堂左建宣餘齋三間羣房八間大堂左屯糧房三間 吏目衙在州堂右 土州判衙在州南三十四里研和鄉東山 駐防廳在城北隅康熙五十一年知州任中宜因訓導

廢署改設又於四城門創建營房各一間以居守門軍士 常平倉在州治右一名預備倉一名廣濟倉明正德三年知州何子奇建萬曆二十二年知州蕭錦詔增成九間

皇清康熙五十年知州任中宜增二間 豐盈庫在大堂左

路南州治在城內明洪武十七年建按州志枕鹿阜山內署宅爲冰心堂前爲兩翼爲庖漏左

豐盈庫右會計庫折而左州同廳署久裁折而右吏目廳署堂墀左側吏戶禮掾廨右兵刑工掾廨右廨後爲囹圄前爲儀門外土地祠并寅賓館前樓五楹傳醺鼓鐘聲樓左右爲常平倉外爲華東雄鎮坊 吏目署在州治內

澂江府學校考

通志

本府

澂江府儒學舊在金蓮山麓元大得間總管魁納建明洪武十六年重脩正德丁丑知府童璽遷建隆慶四年知府徐可久遷於舞鳳山麓萬曆十四年知府劉光裕重修三十一年巡按宋興祖復遷金蓮山麓崇禎九年知府李以衰重修明末兵燹拆毀經籍祭器雅樂無存

皇清康熙三年知府章爾珮修葺六年通判婁出類建明倫堂九年知府馮魁置四書五經性理綱鑑等書共十一部康熙三十年知府張聖猷捐俸重修 澄心書院在府治左知府徐可久

建

點蒼書院在府治西明嘉靖間知府嚴華建

敬一書院在新興州城內明萬曆間

州司李潔建

桂香書院在府治東今俱廢

義學有四一在東南門一在西北門一在